



## Premios a traballos académicos sobre emprego

O Concello de Santiago de Compostela, como membro e impulsor do Pacto Local polo Emprego de Santiago de Compostela, ten como un dos seus obxectivos máis relevantes apoiar o desenvolvemento produtivo local, a creación de emprego e un modelo de xestión do talento que estimule a súa atracción e retención. Con esta finalidade, e dentro das accións do Pacto Local polo Emprego, convoca estes premios para incentivar a realización de estudos académicos relacionados co emprego, a xeración de emprego e a xestión do talento, así como favorecer a difusión do coñecemento xerado. Coa vocación de xerar coñecemento compartido para o desenvolvemento dun mercado de traballo local orientado a crear máis e mellores postos de traballo na cidade., fomentando a investigación de estudantes e académicos/as arredor dunha mesma problemática, para atopar solucións que incidan na xeración de emprego.

Partindo desta formulación realízase unha convocatoria pública de premios de acordo coas seguintes

### BASES

A resolución dos **Premios a traballos académicos sobre emprego** de concorrencia competitiva, rexeranse por estas bases, pola Lei 9/2007, do 13 de xuño, de subvencións de Galicia, pola Lei 38/2003, do 17 de novembro, xeral de subvencións e pola restante normativa que resulte de aplicación.

#### **PRIMEIRA. OBXECTO DA CONVOCATORIA**

1. Esta convocatoria ten por obxecto regular a concesión de premios a traballos académicos relacionados coas temáticas do emprego e da xestión do talento, mediante concorrencia competitiva, en recoñecemento da súa calidade, carácter innovador ou impacto potencial no mercado de traballo.
2. Os traballos académicos obxecto desta convocatoria refírense ás seguintes categorías: Traballos Fin de Grao (TFG); Traballos Fin de Mestrado (TFM); Teses de Doutoramento; e Traballos de Investigación.
3. Os traballos académicos deberán:



- Ou ben, haber sido presentados e defendidos na Universidade de Santiago de Compostela nos cursos 2018/19 ou 2019/2020, ou tratarse de traballos inéditos elaborados por profesores/as e investigadores vinculados a grupos de investigación desta universidade.
- Ou ben, haber sido presentados e defendidos nos cursos 2018/19 ou 2019/2020 por alumnos/as empadroados/as en Santiago de Compostela ou tratarse de traballos inéditos elaborados por profesores/as e investigadores empadroados/as en Santiago de Compostela.

## **SEGUNDA. CATEGORÍAS e PREMIOS**

Establécense un total de 20.000€ en premios, coas seguintes categorías:

### **A. Traballos Fin de Grao (TFG)**

Recoñeceranse a TFG dos cursos 2018/19 e 2019/20:

**1º Premio 1000€**

**2º Premio 750€**

**3º Premio 500€**

### **B. Traballos Fin de Mestrado (TFM)**

Recoñeceranse a un TFM dos cursos 2018/19 e 2019/20:

**1º Premio 1250€**

**2º Premio 1000€**

**3º Premio 500€**

### **C. Teses de Doutoramento**

Recoñeceranse a Teses de Doutoramento dos cursos 2018/19 e 2019/20:

**1º Premio 2.500€**

**2º Premio 2.000€**

**3º Premio 1.500€**

### **D. Traballos de profesores/as e investigadores/as**

Recoñeceranse a traballos inéditos de profesores/as e investigadores vinculados a grupos de investigación da USC:

**1º Premio 4.000€**



**2º Premio 3.000€**

**3º Premio 2.000€**

### **TERCEIRA. REQUISITOS**

As solicitudes deberán cumprir cos seguintes requisitos xerais:

a) Participantes:

- As persoas solicitantes deberán ser persoas físicas, maiores de 18 anos e con plena capacidade de obrar, que realizen os seus traballos académicos na Universidade de Santiago de Compostela ou que estean empadroados no Concello de Santiago de Compostela no momento de presentar a solicitude á presente convocatoria.
- As persoas solicitantes non se encontrarán incluídas en ningunha das prohibicións a que fai referencia o artigo 13 da Lei 38/2003, do 17 de novembro, xeral de subvencións e o artigo 10 da Lei 9/2007, do 13 de xuño, de subvencións de Galicia.

b) Traballos:

- Os traballos das persoas solicitantes deberán estar relacionados cos ámbitos do emprego, a xestión do talento e os recursos humanos. En concreto, terán que desenvolver algunha das seguintes liñas temáticas:
  - Contorno propicio para as empresas sustentábeis.
  - Cooperativas e sociedades laborais.
  - Empresas de Inserción e Centros especiais de Emprego.
  - Análise de políticas de emprego.
  - Resposta á crise.
  - Investimentos intensivos en emprego.
  - Servizos de emprego.
  - Fixación de obxectivos de emprego e políticas sectoriais de emprego.
  - Tendencias do emprego e información sobre o mercado de traballo.
  - Iniciativa empresarial e desenvolvemento da empresa.
  - Xénero e emprego.
  - Inclusión das persoas con discapacidade.
  - Economía informal.
  - Políticas e institucións do mercado de traballo.
  - Políticas macroeconómicas e desenvolvemento.
  - Estratexias de redución da pobreza.
  - Creación de traballo rural e urbano.
  - Sistemas e políticas de cualificación.
  - A formación profesional para a redución da pobreza.
  - Finanzas sociais.
  - Prácticas empresariais socialmente responsables.



- Comercio e emprego.
  - Emprego xuvenil.
  - Retorno, captación, retención e xestión do talento.
  - Igualdade de oportunidades.
  - As novas tecnoloxías e o emprego.
- Os traballos deberán ter sido presentados, defendidos e cualificados na Universidade de Santiago de Compostela no curso 2018/2019 ou no curso 2019/2020. Así mesmo, terán que estar nun repositorio público (no caso da USC, Minerva).
  - Os traballos dos e das profesores/as e investigadores/as vinculados/as aos grupos de investigación da Universidade de Santiago de Compostela serán inéditos, polo que non se admitirán aqueles que xa foran publicados total ou parcialmente ou teñan sido presentados a unha revista para a súa valoración.
  - Só se admitirán solicitudes referidas a traballos individuais (un só autor/a) nas diferentes categorías, incluída a de traballos de investigación de profesores/as e investigadores/as.

#### **CUARTA. DOCUMENTACIÓN**

Para formalizar a candidatura as persoas interesadas deberán achegar na presentación de solicitude os seguintes documentos:

1. Solicitude de participación conforme ao modelo do anexo I.
2. Copia compulsada no NIF.
3. Certificacións de estar ao corrente das obrigas tributarias coa administración estatal, autonómica e local, así como coa Seguridade Social.
4. No caso dos TFG, TFM e Teses de Doutoramento: acreditación da cualificación obtida no traballo de que se trate mediante documentación expedida pola Universidade de Santiago de Compostela.
5. No caso dos e das profesores/as e investigadores/as, deberán presentar a documentación que acredite a súa vinculación actual a un grupo de investigación da Universidade de Santiago de Compostela.
6. Resumo do traballo, nun máximo de 2.500 palabras, en que se recollan os obxectivos, a metodoloxía e os resultados obtidos. Este resumo irá encabezado polo título do traballo e un pseudónimo escollido pola autora (o dito pseudónimo deberá especificarse tamén no anexo I de solicitude); neste resumo non deberán figurar os nomes e apelidos da persoa(s) candidata(s).

#### **QUINTA. LUGAR E PRAZO DE PRESENTACIÓN DE SOLICITUDES**

A documentación sinalada no apartado anterior deberá presentarse no Rexistro Xeral do Concello



de Santiago de Compostela ou por calquera dos medios recollidos no artigo 16.4 da Lei 39/2015, do 1 de outubro, de Procedemento Administrativo Común das Administracións Públicas.

O prazo de presentación de solicitudes estará aberto durante 15 días naturais, a contar dende o día seguinte ao da publicación da convocatoria no BOP da Coruña.

#### SEXTA. PROCEDEMENTO DE VALORACIÓN E RESOLUCIÓN

1. A instrución do procedemento corresponderá ao persoal técnico da Área de Emprego do Concello de Santiago de Compostela, que comprobará a presentación da documentación requirida na Base Cuarta e o cumprimento dos requisitos xerais establecidos na Base Terceira. Posteriormente remitirá ao xurado a documentación necesaria para a valoración dos traballos.
2. O xurado dos premios será designado por acordo da Xunta de Goberno Local do Concello de Santiago a proposta do alcalde . A composición do xurado, que non se fará pública até a data do veredicto, contará con personalidades pertencentes aos ámbitos municipal, universitario, social e económico. O xurado resérvase o dereito de non adxudicar premio en calquera das categorías que considere se estima que as candidaturas non cumpren cos requisitos mínimos. O xurado estará presidido polo alcalde, ou persoa na que este delegue, e adoptará as súas decisións por maioría simple; as deliberacións do xurado serán secretas e delas expedirase a acta correspondente. A interpretación destas bases corresponderá ao propio xurado.
3. Para a valoración dos traballos o xurado terá en conta os seguintes criterios:
  - **Calidade académica**, atendendo á cualificación acreditada polo traballo, así como ao rigor e á coherencia formal en cuestións como a fundamentación teórica, os obxectivos establecidos, a metodoloxía empregada e as conclusións obtidas: máximo 35 puntos (35%).
  - **Interese e/ou innovación**, atendendo a elementos como a relevancia teórica ou práctica das aportacións, a orixinalidade da proposta, así como o seu potencial impacto ou aplicabilidade a nivel económico e social: máximo 35 puntos (35%).
  - **Claridade expositiva**, atendendo á forma de presentación do resumo, á precisión conceptual, á adecuada estruturación do texto e á calidade na redacción: máximo 30 puntos (30%).
4. Os traballos que non se adecúen ás temáticas propostas nestas bases resultarán directamente excluídos, polo que non se aplicarán os criterios de valoración.
5. Realizadas as valoracións o xurado emitirá o seu fallo, establecéndose un período de 3 días naturais desde a súa emisión para a presentación de alegacións. As reclamacións,



que se presentarán no Rexistro Municipal, serán contestadas polo propio xurado. Transcorrido este prazo o veredicto será considerado definitivo e será elevado á Xunta de Goberno Local como órgano competente para resolver o concurso.

6. Toda a información relativa aos premios e ao seu procedemento de concesión será publicada na web do Concello de Santiago de Compostela

#### **SÉTIMA. OBRIGAS E COMPROMISOS DAS PERSOAS CANDIDATAS**

As persoas que presentan as súas candidaturas asumen e confirman:

- Que aceptan e cumpren as bases.
- Que a información entregada é fidedigna.
- Que son autores/as intelectuais dos traballos que presentan e que non fixeron uso de información privilexiada ou rexistrada sen os permisos correspondentes.
- Que se fan responsables ante calquera reclamación sobre propiedade intelectual ou por utilización de información de dominio privado.
- Que se comprometen a entregar a información adicional que se lles poida requirir.
- Que aceptan a publicación e divulgación por parte do Concello de Santiago, no prazo dun ano desde a resolución dos premios, dos traballos presentados. A dita publicación poderá realizarse a través de calquera medio de difusión, identificándose sempre a autoría dos ditos traballos, e implica que os/as autores/as renuncian a calquera tipo de remuneración en concepto de dereitos de autor/a.

#### **OITAVA. PAGAMENTO DOS PREMIOS**

Por parte do Concello de Santiago de Compostela, entregaranse os premios indicados nas bases, atendendo ao importe de cada categoría sinalada, con cargo á aplicación 010 24100 48901 dos orzamentos municipais para o exercicio 2020.

O pagamento realizarase por transferencia directa á conta indicada polas persoas concursantes gañadoras unha vez resolta a convocatoria.

Sobre as contías dos premios aplicaranse as retencións fiscais recollidas na Lei 35/2006, do 28 de novembro, do IRPF.



<b>Premios a traballos académicos sobre emprego</b> Concello de Santiago de Compostela		<b>ANEXO I</b> <b>SOLICITUDE</b>
<b>DATOS DE IDENTIFICACIÓN DO/A SOLICITANTE</b>		
NIF:	Nome e apelidos:	
Pseudónimo empregado no resumo do traballo:		
Enderezo:		
Municipio	Código postal	
Teléfono/s:	Correo electrónico:	
<b>ENDEREZO A EFECTOS DE NOTIFICACIÓN (non é necesario se coincide co anterior)</b>		
Enderezo completo:		
<b>SOLICITA A PARTICIPACIÓN NOS PREMIOS CEXTEC 2020</b>		
<b>Nome do traballo/proxecto:</b>		
<b>Categoría á que se presenta:</b> <input type="checkbox"/> Traballos Fin de Grado <input type="checkbox"/> Traballos Fin de Mestrado <input type="checkbox"/> Teses de Doutoramento <input type="checkbox"/> Traballos de Investigación		
<b>Achega a documentación obrigatoria sinalada nas bases:</b> <input type="checkbox"/> Copia do DNI <input type="checkbox"/> Certificacións de estar ao corrente das obrigas tributarias <input type="checkbox"/> No caso dos TFG, TFM e Teses de Doutoramento: acreditación da cualificación obtida no traballo, expedida pola Universidade competente <input type="checkbox"/> No caso dos e das profesores/as e investigadores/as: documentación que acredite a súa vinculación actual a un grupo de investigación da Universidade de que se trate. <input type="checkbox"/> Resumo do traballo		
<b>Declara:</b> <ul style="list-style-type: none"><li>• Que acepta e cumpre as bases.</li><li>• Que a información entregada é fidedigna.</li><li>• Que é autor/a intelectual do traballo que presenta e que non fixo uso de información privilexiada ou rexistrada sen os permisos correspondentes.</li><li>• Que se fai responsable ante calquera reclamación sobre propiedade intelectual ou por utilización de información de dominio privado.</li><li>• Que se compromete a entregar a información adicional que se lle poida requirir.</li><li>• Que aceptan a publicación e divulgación por parte do Concello de Santiago, no prazo dun ano desde a resolución dos premios, dos traballos presentados. A dita publicación poderá realizarse a través de calquera medio de difusión, identificándose sempre a autoría dos ditos traballos, e implica que os/as autores/as renuncian a calquera tipo de remuneración en concepto de dereitos de autor/a.</li></ul>		

Santiago de Compostela, ..... de ..... de 2020

(Sinatura)

**EXCMO. SR. ALCALDE DO CONCELLO DE SANTIAGO DE COMPOSTELA**